

四庫全書

集部

欽定四庫全書

盧溪文集卷九

宋 王庭珪 撰

律詩 五言

秋郊曉興

玉露三秋夜銀河八月涼
山虛響相荅江靜練浮光
雨足園蔬茂年豐稻穗長
不憂羣雀噪鳴鳳在朝陽

送謝夢叟昆仲之湘江

蠟屐訪窮巷脂車戴曉星
哦詩添些語望岳插清冥
烽

火連蠻徼樓船壯洞庭瀟湘多夜雨羨爾對牀聽

秋夜周子康登辰州城樓

殘夜不能寐起登城上樓山銜半江月風撼九天秋鵲已棲高柳人猶棹小舟誰云羣動息漁子正垂鈎

清江留別任子嚴

正月過此甚遽不果尋訪及歸又以鄉人相逐者衆不肯泊舟輒留數字寄別庶子嚴知我過此耳
正月下南昌扁舟過玉梁逢人問任子迷路失仙鄉吾

道今如此斯文恐未亡烏臺千載話他日自輝光

送客

東門楊柳陌車騎散林垆草綠古今道馬嘶長短亭人
歸天北闕光動斗南星送客何年了春蘋又滿汀

次韻方性夫同年見寄

缺

先朝始賜官同登進士第半著

缺

倦飛鳥詞源倒急灘平生事何限話著齒牙寒

用朱希真韻寄葛主簿

時權永
新縣丞

卷九
聞道石壕吏今猶夜捉人徒煩移簿領何計靜烟塵痛
哭聲連野推敲瘡滿身催科君正拙寧不動悲辛

再和一篇兼寄朱希真

主簿四海士先生千載人羈遊厭旗鼓談笑出風塵高

卧屢違旨

希真累徵不赴

榮名忽中身清詩何絕妙塵白識餘

辛

溪上春日

遲日千花艷開簾雙燕飛好山晴

缺

遠水靜含暉細

草爭青出佳人薄暮歸此時春思亂未覺向來非

送樂秀才歸新淦

夜雨漲新碧曉舟搖古堤帆從金水落家在日梁西萬
竹遶茅屋千峯隔釣谿探囊能起死門外想成蹊

樂善
醫

春日遊鵲湖山

風起羣木未花開兩壁香山溪雲影變人靜鳥聲長紺
殿橫崖起飛泉噴玉光扣門僧出定彈指下禪牀

鳳停館中秋

山高月未吐吟上嶺頭看萬里雲霄靜一天星斗寒蝦蟆出金背玉兔動銀盤唯有南飛鵲遶枝終不安

和葛德濟見懷

憤氣蟠胸久開談音吐鴻雲山初濶別罇酒憶相逢暮草黏僧屐晴江理釣蓬閒居詩句僻祇自詠家風

送妙空大師往郴陽省兄

遠水縈環碧秋山作劍攢取經行嶺徼飛錫下雲端風捲湖烟靜天高雁影寒何時却回首即為掃蒲團

宿唐興寺夜雨

木落羣鳥起孤眠枕未安客愁金索盡酒病玉壺乾
雁過風傳響雞鳴雨送寒平生萬感集咄咄出毫端

和周監丞聞京洛關中收復四首

扈聖尊皇極真人握赤符梯船初入貢輿地夜披圖
力戰非天意賡歌奉睿謨花卿雖猛將絕世可能無

又

戰壘初休馬邊烽不舉狼山河秦地壯日月漢天長
劍

戰將銷盡鉤鋤始破荒欲觀調鼎手一臠已堪嘗

又

喜有官中信衣冠返舊京交馳節旄使悉罷羽林兵丹
詔從天落羣心仰首迎蕭條萬里道今日有人行

又

河南新郡縣吾宋舊山川喬木應猶在遺民不記年行
人將漢月持節照胡天屬國今無恙遙知免齧毡

送劉禹錫之官五羊

南海千山外東風幾驛催
嶺頭梅雨歇旗尾瘴烟開
蠻徼無塵起中原有使來
時應問消息會向日邊回

秋夜

山色釀空碧砧聲鳴翠微
自憐為逐客誰為擣寒衣
居士本無病叅軍胡不歸
扁舟在吾手爾莫用危機

曉行唐興寺道中寄劉美中

雨洗穹色靜雲間曉碧初
峯巒爭峭拔臺殿已清虛
邱落孤煙起人家半嶺居
回看巖際寺幾欲倒騎驢

清軒

竹逕有佳色耳根無市聲
山如畫屏立水作縠文
生牕戶松風響園蔬杞菊馨
夜深天更靜待看玉蟾明

亂後過東山寺

煙塵苦未盡紺殿倚巖阿
雲護佛世界山栖老禪和
斯人具眼目法力辟兵戈
歌枕聽粥鼓誰能柰爾何

和黃子餘湖南道中寄弟子默二首

花落黃陵廟禽聲隔岸聞
山川湖外遠牛斗地形分
回

趁峯頭雁遙瞻嶺上雲
惠連詩更好夢裏亦思君

又

卷裏詩新出關中記
舊聞乾坤今轉大
吳楚昔嘗分霧

失朱陵峒晴開紫蓋雲
仍傳九疑尉奇策動明君

時方傳鄉

人營道尉董
體仁作殿魁

又和酬子餘

句法出脩水家聲誰不聞
微言雖甚秘殘馥可能分筆

掃堂堂陣詞飛藹藹雲馬卿才思逸傾動卓文君

又和酬子默

牛渚西江夜新聲月下聞
定知終夕詠不覺曉光分
儻有樽中酒重論日暮雲
山林正憔悴抵掌忽逢君

頗姪明碧軒

不可居無竹開軒眼界新
風搖碧玉玦雨解籜龍鱗
晚色侵書帙疎枝掛月輪
客來從逕造莫問打門人

和李巽伯送劉德基赴縣齋

令君湖海士置榻謂公賢
綠野千峯翠朱甍萬室連
客

依彭澤柳人問孝廉船他日功名逼金魚未免懸

郡燕新進士胡文侍讀即席賦詩因次其韻

雁塔題名處蟾宮折桂新英雄綴行列材業濟生民榮
耀初開宴招呼如此賓鵬飛上霄漢橫海脫凡鱗

郭教授南牕置酒觀競渡次坐客劉時舉韻

一飲徑一石此風誰敢陪

謂劉也

日移林影轉船劈浪花紋

開銀燭自相映玉山何用推廣文官獨冷賴有酒盈杯

再次前韻

殊方作異客勝日喜遊陪
鼓譟風雷動帆爭錦繡開
詩元無格律誰與定敲推
折得新荷葉聊將當酒杯

送郭教授

代人

蠻域經年住飄然見古風
新編文似錦高論氣如虹
杖屨容追步箴規有發蒙
方期親謦欬吾道又將東

盧溪文集卷九

欽定四庫全書

廬溪文集卷十

宋 王庭珪 撰

律詩 五言

廬山道中寄送聶名世

邛遠孤煙起山明曉霧開
人行萬松裏路過九江來
此去日千里其如腸九回
淮南酒樓近玉笛不勝哀

次韻楊廷秀臨安小樓不寐之什

坐待銀蟾上寒禁酒力加
霜清羣動息雁過幾行斜
樓

角猶吹笛天街又走車客眠終未穩人語已爭譁

次韻李巽伯贈琴僧惠端

老端高世士髯李仙中人鳳吐千篇久鸞吟十弄新妙
談天地假笑破海山春物物消磨盡今年始是貧

野外春日

步屨穿花徑香風吹客衣地偏窮谷暖雨過亂鶯飛草
色連空濶僧居入翠微田翁泥人飲數肘不容歸

送向主簿

樅馬志萬里棘鸞纔一飛薦書聞帝里綵服過庭闈野
渡生春草林花弄晚暉君家芸閣老應問我何歸

題劉元弼遠菴

門徑臨官路耳根無市聲山從雲外起風入坐中清靜
趣逸天半孤吟待月生緬懷江海意溪水遶菴鳴

辰州上元

留滯沅湘浦飄如雲水僧來為萬里客又看一年燈翠
幃褰珠箔高樓俯玉繩鼇山今夜月應上最高層

用前韻酬清首座

寺寄他鄉客家居何處僧一盂鐘後飯數盞夜深燈出
井初無索斲輪還中繩擬心觀此境階級已成層

早春遊孔志行園

小圃傍城郭新堂磨碧甌青楓未鑽火高柳已參天好
鳥又相語幽葩自在妍敲門時逕造不問主人賢

春日攜頤子同劉養正教授遊淨國寺至李家

園

野外煙光潤僧園竹逕通
柳絲搖嫩綠桃雨落輕紅
處花如舊年年人不同自
矜雙足健著屐試春風

清明日訪胡師顏

記是日
所見

門巷倚城郭林亭占水雲
竹搖碧玉玦池皺綠羅紋
鴛舌初調曲蘭芽忽吐芬
牡丹雖晚發風味獨超羣

入辰州界道中用頤子韻

路入荒溪惡波穿亂石跳
騎驢行木杪避水轉山腰
倒掛猿當道橫過竹渡橋
吾生本如寄歲晚尚飄飄

憶馨鴻二孫

余竄夜郎日二孫纔三四歲阿馨已誦得數部書
兼寄書紙來阿鴻尚幼余甚念之作憶馨鴻詩寄
令誦之

憶汝何時見愁眉此日舒別來三換歲誦得幾多書字
稍堪拈出翁今喜有餘阿鴻纔弄筆相對想軒渠

題步雲軒

身在飛煙裏如登霄漢行雲從脚下起雷忽耳邊鳴暮

碧佳人遠春紅晚照明能消幾緡履當不負平生

題昭昭閣

天意豈難訴雲烟渺降真倚欄瞻日月滿壁繪星辰
夜梵光生戶晨炊竈見神高門有陰德當不誤儒身

和余教授

詞高雲藹藹筆掃陣堂堂妙絕江南社清新樂府章
窮通元自樂身世兩相忘不下千尋海焉能得夜光

和胡觀光聞蟬

地僻林逾靜山幽鳥不驚日高簾影重蟬噪柳陰輕
學風前翼琴傳葉下聲士龍能作賦為爾特留情

琴曲有葉

下聞蟬陸士龍作寒蟬賦

送李彥明

彥明欲赴大學補試因省叔父吏部吏部余之故人作詩送之兼寄吏部

叔父今誰貴中郎一世豪渡江人物盛容駟里門高冠蓋榮吾黨芝蘭見汝曹茲遊兼問學鼓篋莫辭勞

江上

倚杖江風起呼船水面開人從州背渡帆破浪頭來月
色共千里天恩徧九垓當年送客處待看赤車回

送楊彥昭往湖南謁陳夢肇運使

結客少年日同遊碧水邊今持繡衣斧就覓孝廉船湖
濶驚千里雲開有一天莫嗟清絕地不異泛紅蓮

謫辰州

得失真何事文章妙入場隱身三十載汗簡幾千張名

落江湖外氣干牛斗傍吾衰任飄泊朝夕渡沅湘

沅江上晚晴用頓子韻

急雨捎溪面蘭橈轉渡頭寒鴉栖古木晚日射危樓山
帶黔巫遠水還荆漢流晴天思無限細細數沙鷗

次韻周秀實通判送段季裕還永新二首

竹下忘年友誰如藉與戎相從知理窟會見立奇功兩
地風烟接三吳水石窮飄蓬歲事晚何日一罇同

又

州里聞名舊江湖識面新讀書元自喜擬古欲誰倫巖
穴人歸隱池塘草又春周侯有佳句持贈可娛親

惜春亭席上和伍孺安酴醾

滿眼傷春色瑤花墮玉卮羣仙下來看皎月自相隨國
艷晚尤貴天香發每遲我方留客醉簾捲未教垂

同施倅遊壽昌觀

岸曲穿叢篠山回轉翠屏烟雲搖晚霽樓殿倚空青栢
黛參天峻松脂入地靈幽尋未能及重約扣巖扃

贈惠門端師

亂後過連嶺間井皆空唯惠門寺歸然獨存書贈
端師

劫火燹鄉邑烟塵何處逃雲藏佛世界門背古亭臯徑
隱花木靜山深人物高老師具眼目法力辟兵刀

齊雲閣

縹緲虛無裏嵯峨碧繞穹雲從斷山起樓在半天中暮
碧千峯雨涼生四面風更臨風雨上待看出豐隆

清音亭

亭枕秋山窟山明水共清空林生逸響飛溜落寒泓誰
識高深意初無世俗情何當攜韻磬寫此澹無聲

次韻伍孺安賦草堂瑞香

草屋簾垂地移花共宴遊艷姬香入骨熏炷錦幃頭絕
世方名立殘霞暮不收夜聲燈影亂猶

缺

水亭

新暑池亭上竹風吹我衣殘花經眼盡好鳥傍簷飛水

面澄陰澗橘林香氣微儻容攜茗具來此避炎威

遺經閣

殖財作爭府教子乃義方斗起千尋閣中藏萬丈光諸
郎一受業丹桂幾回芳他日石渠論斯文想未亡

盧溪文集卷十

欽定四庫全書

盧溪文集卷十一

宋 王庭珪 撰

律詩 七言

寄黃平國正字

麟閣名堯入紫清官居真是上蓬瀛
玉壺風采想如舊金馬文章元有聲
近喜邊頭新奏捷獨憐江外正拏兵
老夫飽飯無他慮料理敲推急未成

陪周秀實通判遊歐陽炳文園晚過隆慶寺契

真亭

別駕前驅朱兩輪後車藍縷載窮賓
開門叵復見此客看竹何須問主人
坐久風雲欲回薄雨餘鐘磬忽清新
隔牆便是城西寺應有高僧住契真

和李巽伯少卿見懷

眼高四海意何如敢謂論交到濶疎
春草夢池方得句夜霜置酒復懷予
初披郇國五雲字何啻劉公一紙書
銅鼓遇時思發響蜀椎須待刻桐魚

次韻徐漕案部至廬陵見訪

節擁朱輪下九霄因從物外訪英豪江南正自賢徐穉
天子先應問伏滔試看翰林批鳳尾何如大尉飲羊羔
諸公拔劍論功業當念蕭侯轉粟勞

寄程子山舍人

老泉仙翁騎列星文采風流屬此甥鳳閣初傳缺樣

帝城新有能詩聲青萍出匣蛟兕吼赤手捕蛇狐兔驚
願扣洪鐘識音響暮年聊欲聽鏗鉤

過劉美中新居

亂碧峯頭水拍堤
白沙寒竹淨柴扉
晨光破霧千山出
絕壁盤雲一雁飛
牕外烟霞舒錦綺
坐中談笑落珠璣
江邊野老逢人說
待看追鋒入翠微

陪元勅舍人秀實監丞遊徹見閣

薰風拂曉度長堤
堤上雙紅捲使旗
樓影與天俱在水
岸沙經雨不成泥
他州半落青山外
別浦遙分翠浪低
渡口神螺誰復識
江空應只月明知

登滕王閣二首

翼軫南邊第一州
滕王高閣枕江流
天提日月東南走
地闢山川晝夜浮
午後朱簾捲斜照
更深白水自明樓
當時帝子鳴鑾後
歌舞重翻又幾秋

滕王歌舞今千載
髣髴鳴鑾度綺牕
尚有殘霞伴孤鶩
時聞晚唱下長瀧
危欄傑棟臨無地
翠嶺層陰落半江
欲詠朱簾捲山雨
含毫自覺寸心降

贈黃伯成

痛飲長齋擬八仙醉中談辯亦逃禪吟詩不落正始後
作佛定居靈運前富貴逼人應未免文章驚世始堪傳
近聞相國頻搜訪應有除書上九天

寄賀劉美中舍人直學士院

明光清曉玉開關脚踏金鑾近侍班行盡九重天上路
正臨方丈海中山紫薇閣對青霄近紅藥花翻白日閒
待看飛龍催賜馬錦袍蓮燭夜深還

出城北由山徑入徹源忽逢荷花彌望不知為

何處詢其地名曰長塘又行數里行大路出
連嶺作詩記之

山根細路遶長塘忽有荷花照水光誤入孤邨看青壁
却逢千蓋擁紅粧採蓮不見溪中女緩轡徒牽馬上郎
行傍綠堤將過盡回鞭小住惜餘香

長沙試殿聞傳彥濟永州考試還先寄此詩

永叔

出試院詩有云入
蘼蝴蝶報家人

歸馬鏘然響轡環道傍春色正爛斑吟登回雁峯頭月

覽遍清湘後山剩有虹蜺蟠筆下喜聞蝴蝶入簾間
花時獨鎖深深院卧聽笙簫夢裏還

再次前韻

湘水清如碧玉環湘妃淚染竹痕斑此時遊宦非高志
何日抱琴歸故山雁塔共題雙闕際馬蹄同下五雲間
今朝顚顚荆湖外却望烟霄嘆未還

春日山行

緩鞚青絲馬不嘶春山草長靜柴扉迸林新笋斑斑出

隔水幽禽款款飛雨過泉聲鳴嶺背日長花氣撲人衣
雲藏遠岫茶烟起知有僧居在翠微

正月二十立春觀雪次韻向文剛

雪擁東皇下紫虛霓旌鳳馭肅前驅天將平地開銀闕
人似春冰在玉壺綠蟻飄香浮翠筍青絲傳菜出行厨
老農慣識豐年兆正欠漁簑入畫圖

再次前韻二首

馬上吟詩雪滿鬚垂鞭信馬不須驅病餘消渴澆茶枕

醉後狂歌打唾壺坐見詞鋒缺武庫還如禁臠出天廚
筆間能作有聲畫似看輞川摩詰圖

天公剪水落空虛似借東風暖力驅未用春禽催脫袴
寧聞沽酒勸提壺歌樓人唱郢中曲野寺烟生香積廚
何必萬錢方辦酒一杯隨分豈難圖

避亂深山蒙凡寶君寄牡丹數枝鮮妍不減平

日始覺茅簷頓有春色感歎之餘因成拙句
鄉井彫殘屋瓦頽東風依舊上池臺別來縱值時方亂

春到何曾花不開驟覺茅簷堆錦繡未消翠轂走塵埃
勿云去草草無惡今日遮藏要草萊

再過東岡

物色江寒楓葉凋江邊微雨暮蕭蕭白沙翠竹舊行路
碧水朱欄新渡橋盡室當時避征戰十年閒事付漁樵
如今傑屋明人眼一笑端能覆酒瓢

送元上人遊仰山歸泐潭

兩刹峻嶒隱翠岑却擔拄杖出烟林來時飽喫東禪飯

歸去泥添古佛金絕嶺松篁青玉瘦上方漁鼓白雲深
是中不可著言句且聽半山鸞鳳音

次韻歐陽叔向水中月

月從海底轉天心影落長江海共深倒卓玉輪窺白兔
平看波面擁黃金魄隨秋水流無盡光射寒潭曉未沈
此月已曾經照古又觀古月照如今

次韻周子發喜雨

天邊旱魃凌高秋草木焦卷生百憂正欲焚山泣魑魅

忽驚暴雨交田疇
牲羞奔走羣祀喜
雷公怒叱萬鬼囚
何當盡洗炎熱苦
坐令清風還九州

和胡觀光登酒樓

李白天夜登孫楚
樓樓中翫月苦淹
留定知公等非凡
客要是人間第一
流玉勒穿花回曲
徑銀槽瀉酒注深
甌遙觀翠幕張燈
處小婦鳴箏生上
頭

和趙叔清書事

鐵馬初休淮上兵
人心遙望泰階平
祥雲密遶皇居近

喜氣先從日下生
漢殿風高飛燕雀
秋宵星亂落欒槍
從今且覓耳邊靜
半夜不聞鼙鼓聲

和陳相之至日即事二首

湖海元龍氣宛然
求田問舍語何緣
兩京夢斷無消息
萬里人歸有歲年
嶺外梅花愁欲破
雲安江水遠堪憐
茲辰不預朝闔闔
猶喜山間穩晝眠

南雪常時不到地
嶺梅今與雪黃緣
漸添化國舒長日
更卜祥雲大有年
萬木寒癡猶自凍
一枝疎瘦想堪憐

時聽野老談新政坐竦詩肩夜不眠

新學

缺

落成釋奠諸生畢集喜而有作

洗盡西江戰伐塵忽開黌宇照城闌一時人物風雲會
千里溪山俎豆新儻使將軍皆遣子定知夷狄却來賓
脩文偃武須今日鳴玉鏘金未乏人

和歐陽周弼

誰念揚雄寂寞居忽逢佳士倒衣裾裁詩禿盡千毫兔
岸幘斜欹半幅練節並松筠霜雪後唾成珠玉笑談餘

窮山避寇應愁絕付與騷人萬古吁

別葛德裕主簿

官冷身閒簿領稀時從物外赴襟期憑君少緩青絲鞵
為我聊傾碧玉卮野寺石泉秋煮茗松牕雪屋夜論詩
懸知別後東風近先寄寒梅第一枝

和葛德裕別後用舊韻見寄

阿吉德裕子也

渝川咫尺如千里千里猶堪雞黍期旋滴銀槽將進酒
細傾金屈倒垂卮閒為洛下諸生詠突過黃初數子詩

阿吉想能騎竹馬鳳雛低映碧梧枝

送裴主簿

長江歸去又騎驢依舊青山霜葉枯入眼雲山有佳句
脫身捶楚亦良圖輕裝但載書千卷後夜相思天一隅
乍喜飛鸞離枳棘莫貪為縣落雙鳬

和居東邨作

山中有西
泉寺故基

避地東邨深幾許青山窟裏起炊烟敢嫌茅屋絕低小
淨掃土牀堪醉眠鳥不住啼天更靜花多晚發地應偏

遙看翠竹娟娟好猶隔西泉數暖田

送鄒去非

去非自清江來求書往郴陽會貢籍明年當赴省
試余宣和庚子歲作郴州考試官去非時為勝首
今二十一年矣

郴陽叨預校羣英二十年來一夢驚往日下帷搜俊異
見君落筆已縱橫才高固可萬人敵志大欲圖千佛名
誰念先生今老矣披簑倚杖看岩耕

次韻向文剛昆叔易遊青原

佛屋深蟠七祖山魯公竒字刻孱顏能來把釣溪臺上
安用賦詩戎馬間薄宦不知何處好浮生纔得此時閒
夕陽渡口人爭渡又趁城頭暮鼓還

安成再逢黃平國

憶昨相逢氣益明投書力詆漢公卿一時末俗無高論
千古佳名屬後生魏郡初徵狄仁傑汝陽幾縛李元平
行當獻納麒麟殿看挽天河洗甲兵

盧溪文集卷十一

欽定四庫全書

盧溪文集卷十二

宋 王庭珪 撰

律詩 七言

題郭秀才釣亭

野濶江寒一雁飛，碧蘆花老鰕魚肥。
遶欄綠水秋初淨，滿棹白蘋人未歸。
醉任狂風揭茅屋，卧聽殘雪打蓑衣。
他年欲訪沙頭路，會自攜竿扣竹扉。

次韻江正邦

盧溪春水欲平堤，滿徑蓬蒿竹掩扉。
齋館靜無塵土雜，盤飧喜有藥苗肥。
君尋甘露峯前住，人似山陰雪夜歸。
江海未應終寂寞，鶴書將下釣璜磯。

正邦聞王師來駐，辭歸禾山次韻以別。

時傳發兵駐吉

州

潘才如海渺無堤，肯顧衡茅竹裏扉。
閒釣一溪春水綠，尚容三寸白魚肥。
忽傳銅虎天邊下，共探驪珠夜半歸。
此去烟塵猶未靜，何時馬跡破苔磯。

和謝倅謁縣學

玉帳高談已厭兵
聊將小隊出郊坰
先生文史三冬足
學士銅錢萬選青
他日却登龍尾道
教人頂戴佛名經
諸儒勉稱興賢意
作賦摩空動漢庭

和周公子遊春用前韻

曉堤春浪拍江城
出郭試尋堤上坰
雲脚忽從平地起
柳梢先入半天青
邨深漸覺人烟好
地僻苦無車馬經
日暮歸來微雨歇
酒醒客去月當庭

酬張公敏示古戰場賦

公嘗繳納文
學今再赴試

弔古高文說戰場毫端凜凜挾秋霜
自能突過今人作
不必汙為梵冊藏
曾捲笏袍還聖主重攜筆札試明光
曲江故有家聲在
莫擬愁詩似景陽

和李彥文

名獻民嘗撰芸
齋廣錄行于世

偶從山澤得追陪
吐論風生不受埃
曾讀芸齋編廣錄
固知天下有奇才
愁堆青簡千年蠹
忙過黃槐幾度開
往歲聞名未相識
常如弱水隔蓬萊

送李成叔歸峽江兼簡蕭懋德

成叔先
之子

平生未見嵇中散野鶴軒昂識李昆
江表今無耆舊在
中郎尚有典刑存
螺川汗炙書千卷
玉澗船歸酒一罇
獨羨冰清蕭處士
通家能入李膺門

次韻裴主簿述懷

著書尚有銀管筆
騎馬元無金絡頭
陶令種田非左計
漫郎作官真薄遊
脫身簿領歸來好
入手漁竿隱去休
老瓦盆邊可呼客
興酣何用玉為甌

謝直夫乘小舟訪予于橫山堂兼惠佳篇奉次

元韻

謝公雅量含邱壑夙有江湖萬里情迺肯屈身登野艇
更容著帽進書生詩成絕壁烟霞動雨過晚雲樓閣明
句法誰堪敵康樂毫端應挾雪霜清

春日橫山堂有懷謝直夫用前韻奉寄

解道澄江元有聲東山出處更關情高吟正憶西堂夢
妙語又逢春草生沙尾斷蓬垂釣遠峯頭晚日落船明

不將軍騎驚猿鶴巖谷猶傳此段清

草堂東橋翫月

坐看冰輪碾太清赤欄橋下水先明光從蟾兔窟中出
人在鯨鼇背上行地隔里門無俗客樓高隣笛有新聲
此時迥絕非塵境更聽天雞第一鳴

謝同年李提舉見訪

曾共丹梯步廣寒自無仙骨墮凡間君攀玉兔窟中桂
我返神螺江上山豈謂觀風經邑里猶能駐馬問柴關

鳴騶排入蓬蒿徑踏破巖前綠蘚斑

和趙叔清登殷仲堪讀書臺二首

晉朝人物渡江初為郡風流只載書臨水重開數間屋
宿兵仍富九年儲英豪系出三公後磊落胃蟠萬卷餘
東觀諸郎未堪比登車不落問何如

池上開軒對郡樓當時太守氣橫秋聲名已負荊州望
舟棹更為滄海浮挿架古書云護蠹隔溪遊女扇障羞
仲堪沒後今千載孰謂人間無此流

春曉招友人

庭前好樹宿烟浮上有珍禽啼不休
花發亂紅稠屋角柳翻新綠出牆頭
起看霄漢知晴色旋買壺觴辦勝遊
平旦爭門人競入與君先上望京樓

和周公子呈向宰

夜聞急雨洗氛埃慶澤仍從天上回
寰海自應遵詔旨管弦何用費詩催
東風漸著金絲柳和氣潛飛玉琯灰
遙想慈寧動新樂禁門清曉拂雲開

次韻黃元授見訪

中興人物起紛紛應有奇才合致君
仰視孰為真漢相
夜行何識故將軍
且騎駿馬天邊路
莫話高樓日暮雲
年少功名方入手
勒移休動北山文

次韻胡觀光長慶寺早起

公屢獲盜而不見
知於州郡故云

曉天樓殿倚空虛
尚見星辰落
落疎鵲動高林
人起後
馬嘶殘月客行初
偶來作尉聊驅盜
豈謂論功得謗書
但使一方無犬吠
即看黃紙下新除

和黃元授喜雨

防城之役邗落騷然莫採此詩當更講求利病也

天公叱起羣龍顛黑風立海倒百川黃流忽通南北港
白水自滿高低田官軍從來仰征賦農民豈解持戈鋌
雖得一雨洗炎熱夜吏捉人誰使然

次韻荅劉元弼

鼓篋同登樂泮年論文誰復似徐堅向來聚散如春夢
此去逢迎應宿緣陋巷苦無高馬過新詩時有賈人傳
芒鞋竹杖俱無恙歸日猶堪作地仙

次韻何倅雪詩

半夜陰風捲地來，平明犬吠恐為災。
高吟梁苑詞方就，醉卧袁門打不開。
貧甚此時穿履出，興闌何處棹舟回。
瓊樓玉宇非人世，疑共盧敖上九垓。

賀郡守生辰二首

月麗重離日，正明星精磅礴應時生。
詩成五字今無敵，賦壓三都世有聲。
殿閣微涼風乍起，門庭當晝雀爭鳴。
擬將間氣為公壽，編入中興頌太平。

鵲印銅鈎幾世傳
門中人物自超然
高文大筆無雙譽
紫府丹臺第一仙
會見黃眉三洗骨
謾勞青史再編年
西林恐未容歸隱
將有追鋒下九天

蠟梅寄陳相之侍郎

野寺西邊雪壓梅
曾陪杖履探春回
重尋密竹檀欒外
又見疎枝摘素開
步屨尋花嗟我老
巡簷索笑共誰來
細看風味依然在
不是劉郎去後栽

和向宰喜雨

夜聽雷車碾太清風翻急雨落平明不憂稻穗已焦卷
似見天河欲倒傾犴獄繫囚應盡洗豐年詩句喜先成
東郊南畝邛邛樂草木欣欣亦有情

盧溪文集卷十二

欽定四庫全書

盧溪文集卷十三

宋 王庭珪 撰

律詩 七言

劉美中自翰苑歸追懷平昔之遊再過唐興寺

陳迹依然輒成長句奉呈

重尋古壁舊題詩
林竹蕭森上翠微
但見曉猿驚蕙帳
應無山鳥怪儒衣
野僧忽自雲中出
閣老新從天下歸
拍手相歡同一笑
可能長伴釣魚磯

唐興寺再呈美中

七年三過唐興寺夢裏聞君得好官
遍歷蘭臺兼柱史近辭香案出金鑾
從來呼客沽邨釀不敢移廚洗玉盤
政恐人情賤楊柳送迎唯作故時看

送胡邦衡之新州貶所二首

囊封初上九重關是日清都虎豹閒
百辟動容觀奏牘幾人回首愧朝班
名高北斗星辰上身墮南州瘴海間
不待他年公議出漢廷行召賈生還

大厦元非一木支，欲將獨力挂傾危。
癡兒不了公家事，男子要為天下奇。
當日姦諛皆膽落，平生忠義只心知。
端能飽喫新州飯，在處江山足護持。

次韻周公子秋日書懷

酒酣下筆不能休，寫盡江南萬斛愁。
長史果為何物漢中軍，不是置書郵。
又聞戰馬將休息，且任浮鷗自去留。
觸目西風易增感，山川信美莫登樓。

和曹溫如都監惠詩

兩脚誤隨車馬塵江湖歲晚始謀身
籬邊日醉陶元亮
牕外夜呼祁孔賓
倒著敝衣迎好客
急搜奇句發陽春
阿瞞豈但能橫槊
文彩風流世有人

次韻呈劉立道宣諭二首

萬里窮民欲叫天天邊御史兩隨軒
潁川大姓行當案
河隴幽囚自不寬
權倖畏威先縮頸
姦回未死已羞魂
江南弊冗如蜂蟻
入奏猶須一夜論

使星光出太微庭
馬上風雲日下生
斧鉞疑從霄漢落

絲綸如被袞

缺

榮歡迎道路初頒詔威讐姦雄不動聲

誰識張綱最年少耆儒空愧舊知名

向文剛讀書齋試雙井茶有懷黃超然

雙井老人嘗以

青沙蠟紙裏細芽寄人
不過二兩今復見之

黃蠟青沙未破封已知雙井社前烘一邱風味極不淺
萬頃烟波興不窮東晉書齋顏壓後西湖山色有無中
危欄傑閣明人眼獨覺登臨欠此公

二月二日出郊

日頭欲出未出時霧失江城雨脚微天忽作晴山捲幔
雲猶含態石披衣烟邛南北黃鸝語麥隴高低紫燕飛
誰似田家知此樂呼兒吹笛跨牛歸

次韻謝同年劉子堅生日惠詩

某與子堅同年生既長同學又同預州里薦名今
各潦倒蟠屈巖穴因生日蒙惠詩次韻奉酬

來詩記某

家祖夢天
上赤文

詩詞清麗筆如神猶記同年歲在申弧矢志高千萬里

烟霄路澗幾由旬曾無紫氣衝南斗空有紅光動北辰
自顧頑才類銅錫敢期陶冶鑄成鈞

和劉元弼亂後見訪

缺下清談已絕塵莫嗟離亂恐傷神兵戈亦是缺來事

邱壑還須我輩人吟罷細傾桑落酒歸來倒著接羅巾
茅簷近喜聞雞犬步屨尋君去亦頻

朱通判見訪病不能出以詩謝之

鳴珂傳響動比隣爭看題輿朱兩輪節擁兵符分半刺

道經山邑訪閒人行春號令清如水落筆篇章妙入神
應念窮愁病書客經年顛顚楚江濱

和井令西山石屋感雨

漸見時平草木蘇姦蹊盜穴已湑瀦登山敢憚牛馬走
置酒誰呼陳趙予助魃旱龍初偃蹇隨軒飛雨不躊躇
雲騰石屋蒼崖峻磨刻行當候璽書

次韻謝處州倅毛長吉見訪惠詩

次翰謂達
可內翰也

有客江邊問草堂銀鞍白馬爛生光不嫌茅屋絕低小

往坐竹陰移晚涼入洛聲名動冠蓋傳家文翰在巖廊
高風誰復如公者肯接山林氣味長

再次前韻二首

邂逅忽登君子堂眼明初識斗間光如窺銀漢纖塵靜
更酌金盤曉露涼玉座正臨天北極蓬山歸直殿西廊
野人不識昇平事但覺江邊白日長

毛公過我竹間堂贈我新詩敵夜光盛德自為南土秀
清風何羨北牕涼漳江日落人爭渡古寺僧歸月上廊

揮麈細談家世事時材無復數真長

和胡觀光黃元授二首

樂天微之同試制科各
織鋒細管筆二公同年

登科
故云

兩翁忽動鱸魚興膾縷無聲雪落砧細管向來曾並試
清流可賦共誰臨好詩自昔員如彈古錦何勞嘔出心
一覽雕章知格律吹笙學得鳳凰吟

卧聽蕭寺五更風錯打當年飯後鐘不願綈袍憐范叔
獨緣蔬饌識茅容黃旗接武來招盜皂蓋行春且勸農

如此偷安欲持久荒謀誕計恐無庸

讀韓文公猛虎行

夜讀文公猛虎詩云何虎死忽悲啼人生未省向來事
虎死方羞前所為昨日猶能食熊豹今朝無計柰狐狸
我曾道汝不了事喚作癡兒果是癡

向宣卿生日

庭下秋風吹紫蘭蟠桃為壽菊端爛厭分銅虎天邊郡
屢直金鑾海上山洲渚忽然生戶外歲星今却到人間

願扶帝業須難老穩踏龍墀尾近班

次韻歐陽叔向寺丞早春呈周子發知縣

冰底涓涓已作聲曉看春色上蕪城江南樓閣烟中出
檻外山川翠欲萌梅點宿粧凝笑靨柳搖新綠換枯莖
化權初入東風手莫使階前草亂生

謝劉時昇見訪

訪我林間一病翁數椽茅屋貯清風華裾織翠來天外
揮麈談兵伏坐中回首此時增感慨出門何處問窮通

北溟待看鯢鵬變
坳水蹄涔詎見容

送別葛德濟

朔風飛雨未成晴
脫葉打牕雞欲鳴
此處霑襟話離別
向來傾蓋識平生
尚期揮麈堅談壘
不必攻愁用酒兵
北闕上書無計策
誰能穿履雪中行

再和德濟舊韻

小雨霏霏弄晚晴
饑腸過午自雷鳴
鐘聲隔岸聞香積
風味令人想麴生
近報邊頭新奏捷
獨憐江外未休兵

誰能馭此不羈馬縱使脫韁千里行

題劉端禮達軒

昔賢曾此卧烟雲鶴怨猿驚幾度春綠蕙再遊今日路
青山如對往年人兒童共是牕間客夢寐猶懷席上塵
待得達軒多種竹等閒來看莫嫌頻

重陽日送李彥文之衡湘魚簡向豐之

九日君當簇馬鞍重巖細菊為誰斑吟登回雁峯頭月
看盡清湘雨後山莫遣音書和夢斷會傳名姓落人間

向郎理棹歸何晚湖水今應不滿灣

用前韻酬豐之

每煩書札問平安落紙遙知筆管斑塞北未聞輕解甲
江南應得飽看山荒邨但有兩三戶廣廈何由千萬間
他日溪邊尋我去釣船刺入蓼花灣

再用前韻酬胡觀光

蔡誕自言為老君牧龍因博戲輸一五色斑龍被謫

牧龍天上幾時還因失仙龍五色斑暫謫南昌為隱吏
會歸東觀校蓬山高名久已聞江表異氣今猶出斗間

下筆不休才思濶清如星漢瀉銀灣

從叔君冕見訪山間自云平生躬耕釣無求於
人中有至樂令某作詩寫其蕭散之狀為賦

此篇

青鞋布襪綠蓑衣滿目秋江白鳥飛小楫扁舟乘興出
斜風細雨釣魚歸有間茅屋臨蒼巘尋箇樵夫上翠微
閒趁牧童吹短笛倒騎牛背入柴扉

和劉元弼見寄

終日思詩句未成夢回春草遶池生拂雲松竹薰天盡
如畫江山照眼明幽處園林皆可隱亂來軒冕亦何榮
即時使有一杯酒便勝區區萬古名

次韻李世京惠詩

童稚情親不記春白頭相見眼猶新為文未辨送窮鬼
買宅何妨近里仁魯國儒衣原自少棘門兒戲定非真
斗間縱有衝天氣樓上應無識劍人

和劉端禮避地初歸見訪

庭前喜鵲亂棲鴟知有隣翁酒易賒老瓦盆隨田舍飲
半溪雲屬野人家莫將釣手遮西日來倚危欄詠落霞
無奈醉歸燈火亂僕夫爭路頗喧譁

和劉允昇夢草菴前月夜看酴醾

誰與東皇殿後塵更無凡木敢爭春來觀夢草菴前月
疑是廣寒宮裏人雨罷香風吹滿院夜深笑語動諸隣
詩詞要並花奇絕對此吟哦句自新

和端禮惜花苦風雨之句

花逢暮境已侵尋
庭值狂風不可禁
已捲殘紅隨日脚
更吹嫩柳到眉心
明朝藉地猶堪醉
小雨籠晴未作陰
騎馬訪君春好在
不勞鐘鼓報新音

盧溪文集卷十三

欽定四庫全書

盧溪文集卷十四

宋 王庭珪 撰

律詩

七言

題曹子方詩集後

靜常先生初以詩得名於兩蘇公每恨不能多見
偶於公之孫仲實大夫家見其家集輒題數語于
後

橫槊當年知阿瞞後來誰復識波瀾兩蘇門地陪高詠

千古文章得細論
耆舊只今無此語
風流端要善清言
想當巧匠傍觀處
洗盡人間斧鑿痕

次韻劉升卿惠焦坑寺茶用東坡韻

焦坑因東坡始見重

於時

日出城門啼早鴉
杖藜投足野僧家
非關西寺鐘前飯
要看南枝雪裏花
玉局偶然留妙語
焦坑從此貴新茶
劉郎寄我兼長句
落筆更如錐畫沙

嚴子陵釣臺

巨石崔嵬枕碧流何人曾此坐垂釣足加帝腹動星象
手把漁竿還故邱固異山靈回俗駕不因鱸膾憶吳洲
當時冠劍今何在獨有高臺萬古留

送劉美中舍人赴漳州二首

一麾初出銀臺路手把漳南玉獸符閭里高門容駟馬
旗旄夾道擁前驅兩科名姓驚天地西掖文章似典謨
詩卷從教傳海賈釣竿未肯拂珊瑚

漳浦城高南斗邊朱旗遙拂紫薇躔遠民初識玉皇吏

屬邑行瞻刺史天此日分攜雲際寺老僧留酌石間泉
祝公名宦何時了了却歸來作地仙

次韻羅世英

世英昔年從學蒙嶺書齋相別三十餘年紹興丁
卯重陽日復相會於廬溪草堂世英即席賦詩次
韻酬之是日坐客皆預免解唯劉世臣得失未定
須臾解榜至巍然在選

蒙山三十年前話聳壑昂霄見此卽雲子新杭抄飯白

石泉擊火試茶香英豪滿坐驚頭角錦繡詩成出肺腸
此日此公逢此客更傳秋榜助飛觴

送歐陽南卿并簡胡紹立

蕭灘傳榜到柴扉喜見高名掛棘闌二子文場初得雋
老夫茅屋亦增輝方驚絕岸孤峯出更待刺雲雙鵠飛
盧肇風流今未泯渡頭重看錦標歸

和裴主簿九日

欲上高高嶺路微疎林蔽日尚堪依楓江水冷天初靜

桐井霜乾葉亂飛
籬下採花人獨秀
山頭落帽客何稀
金壺倒盡重沽酒
莫惜朝來更典衣

安成逢吉守李西美舍人二首

掖垣清近泰階傍
新賜魚書綰郡章
手把玉堂青纓管
坐褰刺史赤帷裳
紅旗照日三千騎
白粲連帆一萬檣
幾夜紫微躔次靜
飛星今入斗南光

妙齡高義動神京
獨出漢庭諸老生
鳳閣綸朝視草
麟符分閭夜談兵
猶聞豺虎縱橫在
已覺山河氣象清

欲會風雲扶帝業先令草木識威名

喜楊文發生子

觸目琳琅滿戶庭又聞白母夢長庚杜家驥子誰家有
天上麒麟地上行豈但疎眉驚秀拔更期洗眼看飛騰
人間萬事何時足但有佳兒了一生

周公子監場解官

終年騎馬上山坡鑄得中郎錢幾何解組可能留不住
扣門猶許問無他莫因時事輕悲感從此新詩更琢磨

竹徑松牕與塵隔幅巾聊且重相過

和劉元弼筠亭

種竹誅茅欲傍亭亭前花草莫爭名
笋根稚子春無數
枝上鵝雛晚更清
翠逼衣襟添野興
葉翻風雨打牕聲
何當萬木凋零後
尤見青青不世情

和劉元弼邃室

竹徑潛通幾許深
遠牕寒色半晴陰
朱輪畫轂走何事
明月清風愜素心
宴坐壺中觀慧景
時遊物外拂塵襟

此君定自能留鳳更絕飛鴉噪暮林

和李巽伯少卿新年憶行在二首

解賦新篇憶帝臺行宮樓殿亦巍哉應曾身作壺中客
記得春從天上來雉扇齊開香霧繞龍墀暖赴曉班催
君王神武多餘暇綵勝金花似舊裁

去國東風又一回江邨度歲亦悠哉偶逢花向山間發
更喜人從日下來破敵屢聞胡騎走急賢當有鶴書催
內中誰進春詞帖西掖須憑大手裁

和謝夢叟思鄉用李巽伯韻

江頭野老哭聲哀
宮殿千門安在哉
御路初傳輦鼓動
驛塵猶見荔枝來
九重竒禍遽如許
四海軍書重困催
家在雙龍雙闕下
亂雲春思益難裁

次韻謝鄭教授二首

久服才名老鄭虔
奮鬚抵掌便談天
平生落盡摩霄翮
妙句新如出水蓮
晚歲江湖聊可樂
夜談城壘不須堅
席門窮巷蓬蒿滿
安得高車忽儼然

騎馬凌風擬八仙不須三斗始朝天
細聽街吏鼙鼙鼓看舞歌姬步步蓮
問事未應無伯始論文今復得徐堅
喜君琢句無餘跡詩到垂成却澹然

和曾英發見寄二首

聞君要了官中事了事君今竟作癡
陋巷端能一瓢足虛名何用四方馳
開簾壁月夜生海下筆冰蠶細吐絲
想得詩成有新句池塘草入夢中思

別後文章殊長進揮毫落紙便風生
詩從平澹人難到

語不雕鐫句自清無計上書通北闕猶時感額問西征
憶君過我誦新作殷殷尚留金石聲

和曾若虛

書生胷次儻無竒讀盡羣書未免癡學似雕龍宜獨步
才非天馬敢爭馳青編謾費千章紙白髮愁梳滿面絲
愧乏銀鈎酬雅贐含毫徒作畫沙思

再次曾英發

人物風流東晉時吾家王椽本非癡見君自少能多學

厥聞如今已四馳
但有香杭炊白玉
不須高馬鞚青絲
西隣密度牆頭酒
日望扁舟慰所思

次韻蕭明強追和芙蓉菴

茅齋深倚五雲間
忽有高人夜扣關
揮麈風雷坐傾倒
開簾水竹自幽閒
天寒已放龍蛇蟄
綦罷那知歲月殘
兵革未聞消息好
且來拄頰看西山

次韻周秀實過草堂夜話

舍北雲生天一隅
短檠細雨夜牕虛
銅爐瀹茗助清冷

玉麈論文愧閣疎落齒駒兒應有種

謂秀實子

禿毫錐子尚

中書山城忽遇高軒過不避席門江上居

和裴主簿栽花

來詩有獨醉明月之語

曉簷風雪壓前墀勒住羣花未出奇
頓覺寒廳有春色雅宜破屋詠新詩
朱簾不捲門長靜紅藥微開蝶便知
獨酌莫邀天上月恐招惡客影相隨

和劉克強謝仲振

氷柱雪車詩有聲池塘春草夢初驚
兩公共夾清漳住

匹馬時衝細路行，遠屋好山如罨畫。
攻愁得酒足，鏖兵興來不用多呼客。
著我蹲前伴月明。

送蘇元老自春龍陽

雲渺蒼梧湘渚濶，烟帆初轉九疑高。
相逢未卒寒溫語，此別更為魂夢勞。
江水江花自今古，湖南湖北足風濤。
何時捨棹登平陸，却上晴天跨巨鼇。

次韻義夫同年見寄二首

青袍猶帶御爐煙，坐覺江湖歲月遷。
憶在九霄聯雁塔，

恍如三尺鑄龍泉
薦書飛鶚聞天上
綵筆題詩落眼前
白髮郎官才力健
知公家世似韋賢

高文落紙自生烟
論著傳家繼史遷
氣壓千軍橫入陣
詞傾三峽倒流泉
賜袍初並龍墀下
走馬同過鳳闕前
一落江湖坐窮困
顧予何敢望諸賢

和劉賓王縣尉

鼓篋同遊壁水春
橋門爭看筆如神
忽傳紫塞軍聲急
尚喜青山草色新
儻有風雲起英衛
可無膠漆似雷陳

況聞作尉功奇絕兵入潢池不動塵

次韻劉炳先昆仲見寄

未有新詩敵庾郎徒將斷木點青黃
我冠不滿三尺許拆襪仍無一寸長
鵬翼端能翻碧漢芥舟唯可置坳堂
君才本自堪磨琢穎脫當如錐在囊

盧溪文集卷十四

欽定四庫全書

盧溪文集卷十五

宋 王庭珪 撰

律詩 七言

和歐陽炳文汝舟醑醺

唐降真臺有檻玉砌
焚龍火香薦無憂酒

兩翁爛醉醑醺下擊鉢成詩豈易酬
藉地想攜千日酒
尋香爭跨九花蚪
晚風吹雪空中落
急水漂香何處流
夢覺清芬猶撲鼻
如登銀檻薦無憂

次韻胡次魚送歐陽景蘇鎮州教授

往昔逢君最妙年，朱霞天半已軒軒。
論文豈是無張說，取友何期得邨原。
談笑坐輕千疊嶂，吹噓誰送九重閭。
不應海嶠能留滯，早晚公車採至言。

別黃伯成

常恐微言將遂絕，江南耆舊復知名。
身從妙喜國中出，脚踏毗盧頂上行。
覺我向來聞道晚，識公真處大僧生。
相思莫謂山川阻，千里同遊聊缺

送同年趙季成赴行在

繫船楊柳曉鷺邊冠蓋如雲欲塞川聞道今開丞相府

沈相同年

昔年同是廣寒仙不須左右為公地便恐吹噓送

上天千載一時真慶遇會看鈞力轉陶甄

送劉子東赴省

快鎖荊州從事廳薦書飛入九重城試觀文陣英雄氣
定勝弓弦霹靂聲霜踏板橋天欲曉酒醒漁浦雁初鳴
春風漢殿臚傳近換取青袍出帝京

趙逢源家有妹麗每造謁必見拒今侍令兄府

判東遊作詩為別兼以見意

高門日日掩朱扉未許傾城捲翠帷客子眼寒空過市
雪兒歌妙欠新詞華裾將曳銅駝陌破帽敢隨金馬羈
悵望碧天鴻雁影黃花應不負歸期

次韻趙文卿因以送行

堤柳迎人自作陰江流仍漲綠醅深行人獨唱陽春曲
此日重聞正始音騶馭已如仙裊裊騎驢徒欲度駸駸
看君濶步青雲上莫學書生擁鼻吟

和施通判以詩惠茶

綵筆題誇北苑春
南來草木始稱珍
江湖風味極不淺
翰墨篇章老更新
落日清吟招惡客
此時佳境屬閒人
慙無好語酬高詠
東望雲山意莫陳

再和

與客觀詩碾茶因
話時事再作此

呼童急碾建溪春
麗句兼收掌握珍
陸納家風元冷澹
庾郎詩句自清新
推之不去真何物
試與偕來端可人
當面輸心多背笑
愛君高義似雷陳

密雲初識雨前春未羨官廚送八珍正苦睡魔須料理
愧無妙語敵甘新兵分刺史千餘騎系出洪崖幾世人
麗句新詞隣大雅豈將文體效梁陳

重陽日劉元弼亭席上

時坐上聽端
禮舉省程文

不見龍山老孟嘉風流誰更落烏紗松槽旋壓初浮酒
籬菊爭開無數花清論揮犀傾玉雪高文射策走龍蛇
小兒拍手攔歸路笑插茱萸待辟邪

周德祖自衡陽相別三十餘年會余竄夜郎德

祖知南江寨相遇甚款道舊興懷輒成長句
回雁峯前水拍天峯頭一笑尚依然休論華屋生前美
同在邯鄲枕上眠騎馬忽來臨紫寨傳家故自有青氈
時平柵壘無烽火灑墨成詩有幾篇

九日以菊花酒寄施醇翁通判

每逢佳節憶淵明自採籬邊細菊英坐見南山橫紫翠
遙聞北地落欒槍澆胃止賴杯中物快意豈圖身後名
幸有酒兵堪一舉請公談笑下愁城

盛暑中黃子餘主簿攜雙井茶見訪

痛飲元非避暑方又無金盃汲寒漿忽逢佳客攜新茗
來坐竹陰移晚涼幽處小牕花木好吟餘清論齒牙香
君家句法誰能似煎出車聲遶九腸

次韻鍾令

君自言借
隣僧衣著

閒舉酒兵挑一戰愁城欲下戰方酣且烹北苑龍香茗
暫脫東禪鶻臭衫有志干時君自許無錢使鬼我何堪
江湖寂寞生涯盡對客不應容易談

感雨

癸丑

天久不雨羣情焦熬郡府方索民築郭縣內惴恐
既而禱雨石屋山連日大澍喜而作是詩呈縣令

黃平國

拜起爐烟繞碧虛卧龍隨雨躍天衢道邊草木已焦卷
巖下風雷若指呼河隴豈無寬繫獄海汙防有浴川夫
君王屢詔寬徭役亦念凋氓苦未蘇

和李彥文春雪

聞道江城雪似沙東風吹動曉寒加輕飄瓦屋鱗鱗密
亂颭牆竿櫛櫛斜著地正憐新種竹漫天故壓未開花
君應對此方乘興飲似長虹吸海涯

縣僚禱雨盤藤廟連日大澍次韻黃超然

缺

上林抄

半空雲走挾雷聲早妖作魃乘時起天意為霖轉眄成
莫問田疇水深淺縣前江已拍堤平

再和前韻

江夏無雙望久傾，高文猶帶玉堂清。
子雲識字終投閣，侯喜能詩新有聲。
偶會風雲蘇大旱，戲將筆札慶垂成。
年豐但使無公事，勿慮潢池賊未平。

喜劉世臣仲美及第

同上青雲踏玉梯，仍穿月脇取蟾枝。
江南魁薦星文動，蘭省名高天下知。
共喜秀光前日會，爭傳真逸老人詩。
萬牛回首扶梁棟，可笑蚍蜉欲撼時。

送歐陽廣明遊仰山兼簡慈書記二首

閭中有
小釋迦

金欄
袈裟

士窮不作儒生酸
歲晚聊為物外觀
行脚僧從幽徑出
集雲峯倚半天寒
且攜幾緡登山屐
勝走高門坐馬鞍
君見堂西舊書記
試求閒閣看金欄

不畏霜風射眼酸
要登峯頂作奇觀
連天野水微生綠
隔岸官梅已破寒
試共嵇康尋石髓
要隨杜老逐金鞍
歸來山鳥迎人鬧
應是怪君猶布欄

次韻送別曾英發

士元來訪潁川公
柔下清談有素風
不扣洪鐘安識響
更聞妙句豈宜蒙
如君晚節猶堪奮
期我高名莫大穹
此別應難問消息
寄書無惜到山中

和劉元弼歲除書事

吟詩輒莫歎年終
歲歲年年事不同
藍尾旋傾人半醉
樓頭猶聽鼓三通
漸看暖律回春檻
且任狂風揭釣蓬
管有明朝好天色
澹雲微雨翠烟中

題譚微仲一經堂

漢儒重道獨專經唐室初增博士名韋氏起家仍相國
稚圭能說亦公卿司空城旦汚潢潦古壁遺文粲日星
異日諸郎拾青紫傳家何用滿笥簞



盧溪文集卷十五

欽定四庫全書

集部

盧溪文集卷

十六至
二十三

詳校官左中允_臣瑋五珠

主事_臣呂雲棟覆勘

總校官知縣_臣楊懋珩

校對官中書_臣潘奕雋

謄錄監生_臣湯汝梅

欽定四庫全書

盧溪文集卷十六

宋 王庭珪 撰

律詩

七言

九日登鴻飛臺

拄杖扶登何處臺
天高風急雁聲回
疎林紅葉紛紛下
遶逕黃花細細開
此地崔嵬聊試脚
明年強健更銜杯
綠罇烏帽隨時足
無用白衣人送來

豫章別彭養直

時謫辰州

荔子欲丹蕉葉黃別君南浦正淒涼九疑隔嶺共明月
萬里窮途非故鄉坐見浮雲更百態行吟秋水動三湘
金雞放赦知何日尚許生還天一方

送任子嚴江西運幹

正坐懲羹吹冷壑送君那復有新詩明朝便恐隔千里
抱病何由把一卮西蜀文章自家法江南烟雨上樓時
東湖滕閣多佳興落筆端能寄所思

留別黃子默

回瞻人在斗南邊，目斷湘中萬里天。
驅馬又過衡嶽寺，攜家却上洞庭船。
江湖足了平生事，文字豈徒今世傳。
不共離亭一罇酒，行看待我著歸鞭。

次韻郭偉節段延直見寄二首

辰溪古夜郎郡
太白嘗謫焉

山靈未忍勒銘移，空有寒鴉噪竹枝。
二妙相逢春霧裏，老夫將竄夜郎時。
傳看尺素雙魚尾，突過黃初數子詩。
不上沅江探竒絕，平生誰肯一來茲。

邂逅江樓初識面，騎驢衝雪聳詩肩。
談傾坐客人如玉。

蘋滿汀洲水拍天君欲摩霄登兔窟我方載月上漁船
夜郎千古窮愁地竄逐曾留李謫仙

渡瀟湘江

夜聽瀟湘江上雨今朝雨裏渡瀟湘船衝曉浪漲新碧
山似畫圖非故鄉鴻雁來時應好在白鷗飛起忽成行
論詩安得杜陵老望嶽令渠賦一章

自江上遊龍興至淨因寺

曉踏晴沙江上堤堤平沙盡草萋萋牆頭野杏纔先發

葉底雛鶯自在啼。問道漁舟通臘水。只應烟火是桃溪。
深邨疑有秦人在。記取來時路。恐迷。

賀王彥恭新除湖北漕

年年新換玉麟符。應為高名滿太虛。紫塞新分邵陽壘。
皇華初上使臣車。木牛轉粟洞庭野。金馬催班待詔廬。
旗鼓行春真畫錦。可能一訪夜郎居。

寄湖北總領彭子從郎中

翼軫星邊貫索疎。星文夜動紫宸居。追鋒急召歸郎省。

持橐猶稽侍玉除
六路藩臣供餽餉
五溪蠻子樂耕鋤
連營十萬無饑色
却入承明奉直廬

春晚同石子文遊歐陽參軍園問其主人已物
故獨一老婦開門亭檻幽雅醑醺方盛開因
歎二年卜居隣巷相去數十步而未嘗一到
作詩記之

百花狼藉草如茵
誰與東皇殿後塵
故放醑醺教獨步
更無凡木敢爭春
杖藜亦偶逢幽徑
扣戶何須問主人

坐久忽思歸路晚舉頭香雪落烏巾

居隣曲巷有朱扉未許牆東宋玉窺
春草滿池驚晝夢
餘醪萬朶壓繁枝
湘西江上叅軍宅
黃四娘家子美詩
他日沅陵尋故事為余收入楚人詞

送黃彥謨通判岳州

時寇盜未平

奇功已奏紫宸居
新上南州別駕車
木葉寒飛洞庭野
樓船光照赤沙湖
猶聞豺虎縱橫在
已覺江山氣象舒
萬一潢池羣盜息
回戈請為掃穹廬

朱致一來守辰州先致啟書余以病未及荅而
致一壓境以詩迎之

麗譙高壘武陵西西望雙紅捲使旗玉帳靜驅千騎弩
銅符遙鎮五溪夷我遭白簡為遷客君擁朱輪把一麾
諸洞帶刀迎馬首略無征鼓動邊陲

閏十二月自城東泛舟遷居城西安福寺舟中
微雪

朔風吹雪江上來急漿迎風蕩不開渡口雲藏伏波廟

山腰霧失楚妃臺移居自作泛舟樂抱甕還如載酒回
歲晚浮家寄何處兩溪春水綠如醅

李郎中生日

三槐堂下清陰滿太華峯頭綠葉圓天上正開炎帝歷
人間初識歲星年名郎早合歸華省藏室行當綴列仙
雉堞新崇邊壘壯長城不獨有前賢

報恩寺避暑

風枝不動午雲蒸古寺嵯峨倚石層百丈虛廊蔭華桷

半簾疎雨斷飛蠅病餘已怯金樽酒捧立仍無玉盃冰
奈此人間諸熱惱一杯清茗屬高僧

乙亥立春夜雨平旦大雪

青帝重扃夜半開先驅雷雨下天來千門萬戶春風入
小院高樓樂事回但喜新年逢瑞雪不知平地有瑤臺
杜陵遠客多愁思忽憶兩京初發梅

和馬德儉韻

兩蘇共賦靈芝句知是君家矍鑠翁門巷偶隣三徑竹

功名當柱五溪銅似聞四海塵初靜猶恐扁舟興未窮
螺子江邊無久滯亦宜搏翮上晴空

劉時舉主簿相別三十年忽相遇于沅湘之間
古夜郎郡也郡素窘俸饋不繼垂索而歸相
聚月餘賦詩為別

謫仙適竄夜郎道主簿歸從飛鳥邊但喜騎驢得佳句
忽忘揮塵是何年且將肚束三條篾敢望腰纏十萬錢
剩斬湘南幾竿竹他時分我釣魚船

早春懷葉觀察

門前江水有春聲
鷺浴沙汀照眼明
詩律未堪傳樂府
酒兵聊且下愁城
無窮澗草爭青出
自在巖花絕壁生
忽憶江南護戎老
晴牕磨墨聽新鶯

送頓子還廬陵

頓子遠來夜郎省
余聞其婦方卧蓐
不欲久留而
戀戀不忍去
乃令上沅湘
至昔人窺九疑處
復下武陵溪
入荊州
由巴陵
武昌
洞庭
黃帝張樂之野

觀開闢以來造化擘出瓌雄怪譎之處却由瀟湘
以歸敝廬作數語示之明日乃行

東歸未辦武陵舟送汝翻成一段愁雪點敝裘騎瘦馬
春寒幾日到荊州湖山天濶洞庭野吳楚月明黃鶴樓
莫苦回瞻白雲嶺是行聊學子長遊

次韻葉起商楊茂之

池塘春草年年綠筆力千鈞挽莫回南國遺騷拾蘭芷
西湖體雪禁梨梅窮途言詠頗寒窘治世音聲無怨哀

一覽巨編真雅唱秀苗奇特出荒萊

次韻酬祝彥直

矍鑠猶能一據鞍將軍雖老未甘閒
謬攜魚目投龍領
正類蒹葭倚玉山詞力倒傾江漢底
光芒今射斗牛間
珠璣贈我應難久却恐風雷夜掣還

李守拉登譙門觀修城

忽見金湯峙塞垣麗譙雄冠楚山川
門開下瞰雙溪水
壁立新磨萬丈甃招撫番夷應有術
折衝縛俎正臨邊

邊頭卧鼓休戈甲坐對春風理管弦

次韻李宜仲見懷朱崖夜郎二逐客

不因貴賤識交情此段當今後輩傾
三友一龍吾作尾同時四海孰為兄
殊方少客通南北厚祿無書訪死生
萬里歸期應可指九衢先聽賣釵聲

辰州僻遠乙亥十二月方聞秦太師病忽蒙恩
自便始知其死作詩悲之

辰州更在武陵西每望長安信息希
二十年興緡紳禍

一朝終失相公威
外人初說哥奴病
遠道俄聞逐客歸
當日弄權誰敢指
如今憶得姓依稀

次韻段李裕惠詩二首

久戰詞場力未衰
毫端珠璧粲離離
氣如八尺九花馬
人似千年五聚龜
國士無雙君自有
癡兒不了我先知
七年留滯沅湘道
忽詠青山獨往詩

謫墮西南海角邊
是中樂事亦天全
漸聞長樂鐘聲近
正遇巫陽敕放年
客過茅蓬非率爾
詩如錦繡益飄然

一罇豈盡平生話
咫尺高樓起暮烟

次韻葉起商

少年攜藝試東都
一鼓無成怒奮鬚
便把龍韜取官職
欲隨鵬海混程途
清言自可容平子
文筆誰堪荅摯虞
要使貂蟬出金鑿
腐儒寧不愧操觚

和向令製錦軒

大邑大官身所安
欲將何術撫創殘
久懷利器聊堪試
正見操刀不作難
百里光華風俗美
一天清澹水雲寬

剗裁大巧元無迹血指從旁袖手觀

次韻酬劉遂卿

夜郎逐客東歸日傾蓋江邊側帽時霧豹隱山宜自養
弓蛇落盞莫生疑古今得失碁千局湖海飄零酒一卮
期子嶄然出頭角名場何患少人知

盧溪文集卷十六

欽定四庫全書

盧溪文集卷十七

宋 王庭珪 撰

律詩 七言

初至行在

望中樓閣入青冥疑是長安舊帝城
千里荷花開世界幾年羈旅望神京
老隨丹詔身猶健夢入華胥眼尚生
行盡沙河塘上路夜深燈火識昇平

上殿退朝口號

銀臺南畔曉雲飛路入丹霄上紫薇共看客星朝帝座
敢將汗脚踏天扉遙瞻鳳翼差池侶近對龍顏咫尺威
自愧衣袍正藍縷晚來忽帶御香歸

送王舍人赴明州過闕二首

紫泥初出大明宮端為朝廷知弱翁平地便開丞相府
烏臺先跨玉花驄一時治行無前輩共喜君王記自公
暫假雙旌臨近輔聊觀海日正瞳矐

當年玉殿校羣材名占樞垣北斗魁曾入翰林批鳳尾

每瞻雲氣想蓬萊前驅候吏千軍肅遙望天門九扇開
咫尺龍顏應入奏紫霄東畔曉班催

次韻楊廷秀求近詩

聞說學詩如學仙怪來詩思渺無邊自憐猶裏癡人骨
豈意妄得麻姑鞭曾似千軍初入陣清於三峽夜流泉
只今老鈍無新語楓落吳江恐誤傳

胡邦衡移衡州用坐客段廷直韻

朱崖萬里海為鄉百鍊不屈剛作腸復出光芒動星斗

定隨雷雨起江湘歸期正待春回雁賀客爭持酒滿觴
笑說開元丞相宅淒涼偃月上標堂

次韻張子家見訪惠詩

僕嘗為逐客故以台州自況

老去無才可致君強從詩社立奇勲忽逢天上張公子
應念台州鄭廣文風月何嘗千里隔江山不用一錢分
能來鼓譟助餘勇氣壓淮淝百萬軍

用前韻贈別子家

西掖舍人
彥實之子

西掖篇章自一門君能祖襲有殊勲風流前代黃花句

夢想當年紫鳳文
月下長吟成獨唱
壁間強韻共誰分
江頭惜別多新詠
秃筆猶堪殿後軍

送黃子默湖南機宜

潢池赤子弄鋤耰
天子擇日除元侯
今君去為幕下士
多材應與幄中籌
官弩近圍臨桂峒
捷書飛入未央樓
想當磨盾作露布
何異裴公取蔡州

送同年趙季成知武岡軍

收科同日上蓬瀛
獨我胡為顛顚生
晚節見君乘五馬

前驅夾道擁千兵行聞峒窟烟霞靜卧聽邊城鼓角聲
入境旌旗應動色更看蠻戶帶刀迎

歐陽彥文晚始得官為邊郡獄掾乃州里宿儒
於其行也詩以餞之

往日高名動場屋青衫未足稱平生一官曹掾當蠻徼
萬里山河列漢營顧我老無投筆志羨君今去走邊城
邊頭已卧將軍鼓早晚書來說太平

送趙文卿之湖南

霜餘新雁點汀蘋愁絕送君湖水濱自歎老夫如病驥
早知公子是天麟渡湘懷遠烟橫渚望嶽題詩雨墊巾
想見騎驢得佳句賸將收拾錦囊春

次韻張子家新除浙西撫幹見寄

幕府官清比縣僚升沈何啻九牛毛蓬蒿仲蔚今多病
湖海元龍氣尚豪麗句早知何水部舊交誰記柳儀曹
相如屬思寧遲久不欲談俳恐類臯

次韻路節推瑞香幽蘭

君家蘭玉盈階砌，傍有薰籠錦一端。雅似高人來席上，

幽如靚女出林間。芳叢欲吐新芽長，深谷知誰著眼觀。

謝氏風流元自有，更留佳客奉清歡。

謝安石欲子弟如芝蘭玉樹故自有

一種風味瑞香古未有獨見重於近世遂得佳客之稱一名錦薰籠

楊文發自長沙相別忽來權邑惠詩次其韻

公來

權邑官妓
逃亡略盡

湘水東邊喚渡舟，湘天欲暮使人愁。豈期陶令來為縣，
應念龐公不入州。索我題詩今老矣，看君下筆幾時休。

論文把酒誠堪樂莫歎樽前欠杜秋

次韻楊文黼

烏啼鵲噪竹生風誰過柴門訪病翁
清論逼人來疊疊夕陽歸馬恨忽忽
遙瞻紫極黃雲裏却望長安醉眼中
南北車書將混一莫嗟吾道隔西東

次韻黃伯思求其祖夢升墓銘跋

妙句高文滿錦囊坐驚蓬窻忽生光
君家人物代不乏文彩風流想未忘
千載運中逢太史諸王殿下識黃香

江西多士傳心印又出宗支一派長

胡邦衡北歸先寄詩二首次韻迎之

無何真是本來鄉莫遣閒愁犯肺腸
會見棟梁扶大厦不將文字弔沈湘
揮毫未辦銀為管沽酒奚須玉作觴
雙竹端能作奇瑞衡人宜護竹間堂

當年大冊撼天扉聖主今呼逐客歸
應是風雲乘此會便令鷁鷺著行飛
久埋劍氣衝星氣暫裂荷衣換錦衣
穩上丹墀踏龍尾九霞光裏望晨暉

和吳思道韻寄郭德耘

思道詩有校
警瓊殿之語

德耘寄示吳思道詩某聞思道之名而未識也輒

和其韻以寄德耘

亂後交遊半不聞天涯淪落始逢君黔南可怪無驢養
冀北遂當空馬羣尚使高才淹管庫忽傳佳句吐烟雲
十年警校金鑾殿依舊無氈似廣文

左世勣妙年登第而飄泊遐荒十年不得調蓋
嘗以事忤權貴今公道方開始欲仕進索余

賦詩

射策楓庭最妙年九衢爭看若登仙乘鸞豈慕天邊貴
失馬方知塞上賢華轂朱輪多覆轍高門大屋尚修椽
如今相國開公道此語他時亦盛傳

次韻酬周益覺

看鑄銅人能幾何相逢重得復摩挲江山如畫風流在
城郭空驚歲月多豈謂今朝聞正始更翻新律似元和
思君夜久猶竚立月上松梢映綠蘿

聞梁養源歸卧病未出作詩問之

試訪伯鸞強健不但傳烟渚有歸舟欲聞大士一轉語
為洗南榮十日愁青壁萬尋人似玉碧雲千里月垂鉤
我如堪問維摩病獅子坐中無此流

送頔子歸廬陵

西風吹我夢魂驚送子東歸無限情好往沅湘探竒絕
遠看衡嶽正崢嶸黃昏渡口呼船急後夜江頭望月明
能把愁心寄明月雲開時到夜郎城

送黃介可

漳川螺浦共家鄉，醉墨題詩尚掛牆。
天末異時懷李白，風流誰復數真長。
那知此日長江薄，即是昔時江夏黃。
鵬背知橫幾千里，棘間何地可回翔。

謝同年趙季成通判見訪

一夢驚回四十年，昇平樓下聽臚傳。
共攀玉兔月中桂，認得銅駝陌上仙。
忽遇旌旄行縣邑，先驅貔虎訪林泉。
王孫自是經綸手，容我滄江卧釣船。

送劉克強再赴殿試

聞道田西劉克強年來猶自讀書忙
生平萬卷非無用
歲晚一官聊足償
曾捲笏袍還聖主重攜筆札試明光
漢庭射策推諸老更看公孫獨擅場

願軒

門外紅塵走客車
閉門風月下簷隅
南山霧雨宜藏豹
東海龍芻試秣駒
竹几蒲團消永日
銅爐紙帳夢清都
靈龜隱處無人識
似置寒冰在玉壺

題青桂亭

天上犀枝玉蘂秋何年桂子落巖幽庭前忽生兩好樹
簷外突出雙青虬九里香飄吹夢斷十分圓影暮雲收
他時合抱重來看不是玄都觀裏遊

和劉喬卿雪詩

紫極真人吹
簫雪降則止

柴門忽啓玉為闌疑是新移海上山野寺僧居銀窟裏
廣寒宮在月明間老農擊鼓迎豐歲紫極吹簫近帝寰
臘後東風將解凍已看峯頂露孱顏

[illegible]

盧溪文集卷十七

欽定四庫全書

盧溪文集卷十八

宋 王庭珪 撰

律詩

七言

中夜起坐惜春亭月照醑醺清香郁然因成四韻

袖手歸來避世塵
醑醺對坐惜餘春
靚粧不入市廛眼
幽韻只應邱壑人
醉喚江梅君益友
力移亭竹我比隣
天公著意憐詩客
月色西牕一夜新

任子嚴凌風閣

朱簾下瞰梅花發百尺梢頭掛玉鉤人在半天攀玉蕊
山如方丈接瀛洲曾留深夜乘鸞女相對誰家却月樓
將此層軒擬東閣正緣詩興似揚州

楊文發將趨行朝輒用所惠詩次韻一首贈別

欲贈初無金錯刀待憑巧冶鑄豪曹公家勲業麒麟上
國史聲名泰華高已見郎君如玉樹便為名士讀離騷
甄逢他日驚人去標目須經大手褒

忠襄公大節震耀天下而行狀未能

詳昔甄逢能標目具先人甄濟事載之天下耳目微于
天子赫然驚人然濟止能不汙賊而已其事至微史臣
猶特書之今文發以神道廟碑俱未立欲徒步有
請于朝當得大手筆以張聞其事故篇末激之

寄聶賁遠

褒勲新命日邊傳萬戶重封眷愈專山海盡籠天下貨
江淮流出地中錢時平麟瑞三千歲夢協熊祥五百年
富國自能躋壽域寧論齊相海王篇

張紹祖雙秀亭

義山山下三丞相門倚山光照戶庭盛事流傳千載後

寒空高並兩峯青
雙崖過雨好雲氣絕壁參天列畫屏
更羨君家亭子近
細聽泉溜響泠泠

題竹溪讀書堂

李太白孔巢父韓準裴政
張叔祖陶沔號竹溪六逸

竹外溪邊沙石幽
欲招詩客賦臨流
萬竿深鎖藏書屋
百尺清潭遶橘州
千里水烟漁唱晚
一堂風月暮雲收
何當挽取六君子
占此佳名作勝遊

扶疎堂

碧草深林遶一區
何年開徑洗烟蕪
晨光浮動三竿日

古木陰森十萬夫，靜愛長松梢月色。絕無凡卉蔽蒼隅，殘枝敗葉風吹盡。簾捲山尖好畫圖。

和曾英發見訪惠詩二首

陋巷誰過馬糞王，一經題品自芬芳。桃花流水春猶淺，茗椀薰爐話更长。千里夙期衝雨霽，十年閒事入篇章。明朝未免成離恨，莫苦吟詩作許忙。

宴坐壺中日月閒，相逢無復話吳山。如君豈是噲等伍，置我當容平子間。喜遇故人持節鉞，猶能跋馬問荆菅。

扁舟後會重尋處更刺灘頭轉一灣

別後再和一首

平昔高談古帝王到今春草幾時芳
揮毫欲上三千牘拆機初無一寸長
疊疊逼人逢此意忽忽下語不成章
歸來閉閣焚香坐端為思君聊復忙

謁魏彥成郎中

病夫投老入城闔到處逢人說使君
豈料騎驢衝大尹政須扛鼎識奇文
池生春草何曾夢楓落吳江誤所聞

更願漁收湖海士當令冀北馬空羣

王主簿清暑閣

冒暑貪程作熱官何如避暑得清安輕陰畫出三湘境
爽氣能為六月寒自有薰風生屋角不須纖手捧冰盤
闌干半倚紅塵外卧聽江聲瀉碧湍

段廷瑞四美堂

風月江山何處無良辰樂事古難俱其間景物從來美
此美天然畫不如莫唱黃雞催曉曲且聽青鳥勸提壺

暮雲收盡朱簾捲四者橫陳獻坐隅

次韻周穆卿教授蕪簡黃元授司戶

嘗記楓宸賜異恩同時人物亦詵詵
從前百事不掛眼
初得微官便退身
教授才華欺蜀錦
參軍詩句似唐人
中興勲業歸公等
顧我徒為避世民

讀晉史偶書

夷甫清談萬事虛
阮宣疊疊定何如
鯁魚蝦鮓方乘獻
豆粥萍虀立可須
柱石莫傾人棟宇
纖兒撞壞好家居

揚州喪敗將誰咎猶自空中咄咄書

次韻贈隨上人

扣門衲子誦詩聲
雙脚行纏拄杖輕
何處參同得消息
便能作句吐新清
高僧著意遊湖海
逐客從誰匿姓名
試聽窟中獅子吼
未應斷盡野牛鳴

送李仲文赴省試

何人解薦相如賦

缺監缺

流壯志未登龍虎榜

薦書重入帝王州
烟生漁浦雁初下
月滿江樓霧已收

早晚書來聞好語沙頭春晚望歸舟

謝梁庶濟運使見訪

夜向天邊識使星使星光近少微明
朱輪疑自丹霄落陋巷忽聞驄馬鳴
臺下霜威驚草木山間旌旆燦蒼楹
慚無櫛具衣冠偉久服西都暴勝名

離行在別胡舍人

幾年南畝把鋤犂尺一呼來上玉墀
未有涓塵答明主只思耕釣樂清時
著鞭不慣朝騎馬擊鉢猶能夜讀詩

回想都城春色裏看公談笑定邊陲

生日周公子惠詩次韻

皇天何時生此漢六十年前歲遇庚不使聲名驚四海
未教文陣掃千兵如今只作癡頑老晚節猶干造化情
每辱雕章勤剪拂勝驅斗酒下愁城

資深堂

至深無象本強名不可言傳著耳聽克已獨稱回好學
問詩唯有鯉趨庭會須絕倒聞談道更看鼎來能說經

欲造淵源惟此得百川終使貫滄溟

清暉亭

畫簷雪壁眺前溪溪外羣峯碧四圍日上林梢增秀色
珠生潭底護長堤落霞孤鶩真奇境捉筆題詩無此詞
擬就江山覓佳句更須春草夢回時

次韻歐陽廣明以詩送鉢盂

方大盈前送八珍山人不是此中人試尋僧鉢齋厨近
更喜園官菜把新秋滿城頭看落葉風吹酒面已生鱗

何時共過溪邊寺雪夜扁舟發興頻

次韻歐陽廣明

來詩問余
遭謗故云

半盃香飯敵腥膻羹芋菹鹽度幾春坐倚蒲團聽粥鼓
曉擎花雨供天人庾郎三韭徒多品顏巷一瓢真絕倫
邑犬狺狺尚羣吠隔籬安得近吾身

次韻劉唐卿

看鑄銅人五百年摩挲已是落因緣洛州司馬老方遇
梁苑詞人晚見延稚子詩書聊可喜荒邨草木亦堪憐

龐公要說無生話兒女團圞在眼前

雪中訪胡次魚因覽新詩次其韻

公嘗為郢州教官

天涯流落與誰同雅什重聞正始風
文陣向來無敵手詩壇今孰敢論功
郢中遺唱人難和冀北成羣馬遂空
接屋同隣江上寺過從猶幸不匆匆

和王彥謨縣尉二首

江左盛時王氏門中高者龍鳳劣猶虎豹

耳厭鉦聲處處喧此時猶得卧邱園
負材礫硤幾無用舊業荒涼半不存
嗟古英雄多朽骨覽君詞翰可招魂

濟川政要舩艤急檣散何因被選掄

虎豹相傳王氏門風流千載識遺昆吟詩作賦取高第
挿羽鳴弓待報恩寇賊漸平妖破膽烟塵猶起客銷魂
山城詩酒方為樂豈料西歸席未溫

次韻常德府葛倅見寄

武陵節鉞控湘西通守仍兼把一麾玉帳靜談千里月
銅符遙鎮五溪夷漂流欲識荊州面飢渴正如桑下兒
仰止門牆訴羈旅窮愁那復有佳詞

和王彥休

彥休學錄相別二十年蒼顏白髮著書不倦尤邃
於春秋蒙出示註解數編將欲獻於公車以佳句
為惠誦歎之餘輒次元韻奉贈

書成欲奏未央宮起廢鍼盲略異同已就外車傳服氏
應曾綵筆夢文通且觀落紙驚回鳳莫歎摩天欠阿鴻
宿學暮年方發策留川重看一衰翁

盧溪文集卷十八